

Lungzanh Yen Nazmwnz Siujyoz Haenq Ca Sonhag Song Vahsaw

隆安县那门小学致力于“双语”教学

□ bonjbauq gicej Mungz Sugij



▲Laeuzsonhag moqsak.

▲Gyoengq hagseng camgya byaujyenj le angqfwdfwd.

◀Sonhag bingzbeij hozdung.

Lungzanh Yen Nazdungz Cin Nazmwnz Cunh Siujyoz youq hamq Dahyougyangh, daengx yozyau miz 5 aen ban、182 boux hageng、7 boux lauxsae. Lai bi gvaqdaej, aen yozyau neix nyinhcaen gvancez lozsiz gyauyuz fuengcim dangj raeuz, genhciz aen naemjngeix banhhag “cienzmienh son vunz、gag boux fazcanj、unglumx naengzlig”, sawj sonhag cizlieng onjdangq daezsang, 2014 nienz ndaej Swcigh Gyauyuzdingh dingh baenz swcigh dajcaux minzczuz vwnzva gyauyuz sifan yozyau.

Nazmwnz Siujyoz dwg Lungzanh Yen haj aen Sawcuengh sonhag sawqdiemj ndawde aen he. Geij bi neix, gak cungj sezsih yozyau ndaej gajndeij lo: 2012 nienz Swcigh Gyauyuzdingh bang yozyau guhbaenz le vwnzva senhconzlanz, bihaenz yozyau lij guhbaenz aen laeuzsonhag 1050 bingzfuengmij caeuq aen

ranzdajcawj hagseng 100 bingz-fuengmij he, doengzseiz ndaej gak bumwnz cihciz demgya daizdaengq caeuq dennauj daengj sonhag sezbei.

Vih cienzswnj minzczuz vwnzva, Nazmwnz Siujyoz giethab gij saedcaeq hagdangz, hengzguh Cuengh Gun song vahsaw sonhag. Vihneix, hagdangz cienmonz laebbaenz le minzczuz vwnzva gyauyuz gunghcoz lingjdauj siujcuj, dawz minzczuz vwnzva gyauyuz nabhaej yozyau sam bi fazcanj gveihva ndawde bae, cimdoiq gij daegdiemj hagseng, yungh gak cungj fuengfap daej sonhag. Doenggvaq hengzguh song vahsaw sonhag, sawj sonhag cizlieng ndaej daezsang, hagseng hix aeundaej cingzcik ndei, mbangj hagseng lij youq gak cungj doxdax swcigh caeuq yienh gawjbanh haenx ndaej ciengj: 2012 nienz Lungzanh Yen siuj-hagseng byauhcuunj Vahcuengh dungxcaiz doxdax ndawde, aen cezmuiz 《Beij Sangdaemq》 Nazmwnz Siujyoz aeundaej ngeih daengj ciengj; 2014 nienz 11 nyied Vangz Siuhhanz doengzhag camgya daihsam gaiq daengx gih siujhagseng ganggoj Vahcuengh doxdax ndaej sam daengj ciengj.

Nazmwnz Siujyoz lij haenqrenz beizyin lauxsae, cawzbae leihyung h seiz cuengqgyaj guh beizyin le, lij gujli lauxsae camgya gak cungj beizyinbanh gak bumwnz cujcih haenx hagsib beizyin, doengzseiz lij daiq lauxsae daengz Dwzbauj、Gveigangj、Bahmaj daengj gij yienh Cuengh Gun song vahsaw sonhag guh ndaej ndei haenx bae hagsib, doenggvaq beizyin hagsib, daezsang le sonhag suijbingz.

Hagdangz lauxsae youq haenqrenz sonsaw le, lij cizgiz camgya gak cungj doxdax caemhcai aeuendaej cingzcik ndei: 2010 nienz, Vangz Duhcungh camgya daengx yienh lauxsae Cuengh Gun song vahsaw ganggoq doxdax, ndaej ngeih daengj ciengj; 2011 nienz, bien lunvwnz Vangz Binghyen aeundaej daengx gih Cuengh Gun song vahsaw gyauyuz lunvwnz doxdax ngeih daengj ciengj; Veiz Haijli、Vangz Yenzsinh、Vangz Lifung daengj lauxsae hix youq gak cungj doxdax youq swcigh、yienh gawjbanh haenx aeundaej cingzcik ndei.

Minzczuz vwnzva gyauyuz sawj Nazmwnz Siujyoz ngoenz beij ngoenz ndei.



▲Guhcaemz.



▲Veiswngh baujen gyauyuz.



▲Hagseng camgya yenj-gyangj doxdax.



▲Hagseng diuq foux-faexsaux.



▲Lienh gaggouq.



▲Lauxsae ok rog bae hagsib.